


In medie ogni an si presentin passe cent candidâts par vincj puecj a disposizion. Pe retore Compagno e je "une scuele di ecelence e di vite"

Vincj gnûfs laureâts pe Scuele superiôr dal ateneu

A son vincj i laureâts de Scuele Superiôr de Universitât dal Friûl (13 intal an academic 2010/2011 e 7 dal an academic 2011/2012) che a àn partecipât ai 3 di Mai ae ceremonie di conferiment dai diplomis in presince de retore, Cristiana Compagno, e de direttore de Scuele, Donata Levi. Inte ocasion a son intervignûts ancje il sindic di Udin, Furio Honsell, il diretôr gjenerâl pe Universitât dal Miur, Daniele Livon, e il diretôr de Scuele superiôr di studis avanzâts de Universitât di Rome "La Sapienza" e coordinadôr de Segretarie tecniche pes politichis de Ricercje dal Miur, Alessandro Schiesaro.

Dopo un percors di studis cuadrienâl, a otignî il diplome di lauree magjistrâl pal an academic 2010/2011 a son stâts: Federico Pirone, Federico Pittino, Marco Savorgnan, Cecilia Toso, Veronica Toso de provincie di Udin; Solange Da Ros e Stefano Poli de provincie di Pordenon; Caterina Lops de provincie di Bari; Eleonora Bentivogli di Ferrara; Antonio Garofalo di Chieti; Francesco Giancane e Elisa Paladini de provincia di Lecce; Caterina



Guardini di Verone. Vot diplomâts a jerin de classe umanistiche (Lenghis e leteraturis forestis, Italianistiche, Jurisprudence, Storie), cuatri di chês scientifiche (Inzegnarie eletroniche, Medisine e chirurgjie, Economie). I laureâts dal 2011/2012 a son invezt: Samanta Castellarin e Federica Urban de provincie di Udin; Lorenzo Contento e Camilla Pergola de provincie di Gurize; Paolo Gidoni e Ruggero Spagnol de provincie di Pordenone; Maddalena Lorubbio de provincie di Matera. Cinc a jerin de classe

umanistiche (Lenghis e leteraturis forestis, Jurisprudence, Siencis de antichitât), doi di chês scientifiche (Matematiche).

Sodisfate la retore Cristiana Compagno "pe motivazion e la indurance – e à dit ai zovins – che ju àn puartâts al travuart impuartant in cheste Scuele Superiôr. Une Scuele di ecelence e di vite che ogni an e da acet a talents abii e meritevui di dute Italie, e che, traviers une formazion di nivel tant alt, e prepare gnovis classis dirigjendis in stât di frontâ cun sigurece lis comples-

sitàs dal mont e dal futûr".

Il retôr al à graziât ancje duts lis personis, lis istituzions e i ents partidants e sostignidôrs di chest projet: la Fondazion Crup, la Provincie e il Comun di Udin, il Coleç Renati.

"A cuasi dis agns de sô istituzion – e à visât la direttore Donata Levi-, i risultâts otims otignûts dai arlêfs de Scuele a confermin la bontât di un projet prevident, aromai in grât di increditâsi pardabon a nivel talian. Pontâ, ancje in moments dificii pe economie, suntune formazion une vore cualificade al è fatôr di insiorament e di distinzion par dut l'ateneu furlan. I nestris fantats a son rivâts vuê ogni cjanton dal mont: un benefici che al cole ancje su dut il nestri teritori regional".

La Scuele Superiôr de universitât dal Friûl (<https://scuolasuperiore.uniud.it/>), istitût di ecelence dal ateneu furlan inviât intal 2004, vuê e à 67 arlêfs. In cuatri agns, dal an academic 2008/2009, al à laureât 41 arlêfs. Ogni an al à une medie di plui di 110 candidâts di dute Italie par 20 puecj metûts a concors.